

Levy jos prije dvije godine najavio vojni udar u Egiptu

ANKARA - Turski premijer Recep Tayyipm Erdogan je, govoreći o stanju u Egiptu, jučer izjavio kako Zapad tvrdi da se demokratija ne ogleda samo u izborima, iako izborni rezultati pokazuju nacionalnu svijest, a "to sada govore i za Egipat. Demokratija nisu izbori. A ko stoji iza svega toga? Stoji Izrael".

Turski premijer je rekao kako Izrael stoji iza vojnog udara u Egiptu te kako postoje dokumenti koji to potvrđuju. On se pozvao na razgovor izraelske ministrice pravde Tzipi Livni i francuskog pisca Bernarda Henryja Levyja održan prije dvije godine.

Objavljeni video isječak tog razgovora jasno pokazuje da je tema razgovora bila politička situacija u Egiptu. Voditelj panera je postavio pitanje Levyju:

"Moje pitanje je uvaženom Levyju. Kako se možemo odlučiti između moralne i real politike? Pretpostavimo da je septembar i da se u Egiptu održaju izbori. Pretpostavimo da je Muslimansko bratstvo pobijedilo na izborima u Egiptu i da je osvojilo parlamentarnu većinu. Kako biste se vi pozicionirali u takvoj situaciji? Da li biste podržali ideju da, kao u slučaju Alžira, vojni režim spriječi dolazak Muslimanske braće na vlast? Ili bismo trebali dozvoliti demokratsku igru i dozvoliti pobjedu Muslimanske braće, kao što je Hamas uradio u Gazzi?"

Levy: "Bio sam na strani zaustavljanja procesa (demokratizacije) u Alžiru 1992. godine. Meni je tamošnja snaga izgledala kao antidemokratska. Isto to sam osjetio i u slučaju Gazze. Bio je to udar. Bio je to demokratsi udar, ali ipak udar.

Ako u Egiptu pobijede Muslimanska braća, ja neću moći kazati da to tako iziskuje demokratija. Još jednom ću ponoviti: Demokratiju ne čine samo izbori, već i vrijednosti koje ona nosi u sebi. No, ako, kao i svi drugi, trebam kazati nešto u vezi onoga šta će se desiti ja, iako nisam stručnjak u pogledu Egipta, mogu reći da nova atmosfera koja vlada Egiptom neće biti dobar ishod za Muslimansku braću. Ja ne prihvatam tvrdnju koja se ponavlja i ovdje, a i na drugim mjestima, a to je da je Muslimansko bratstvo jedina organizirana sila. Postoji i vojska. Možda se varam, ali moja predviđanja su da će oni sami oslabiti svoj utjecaj."

Pitanje: "Želim samo razjasniti: Ako oni (Muslimansko bratstvo) pobijede na legitimnim izborima, hoćete li pružiti snažnu podršku vojsci da Muslimanskoj braći ne dozvoli preuzimanje vlasti?"

Levy: "Ja ću zahtijevati sprečavanje njihovog dolaska na vlast."

Tzip Livni: "U okviru univerzalnih pravila."

Levy: "Rekao sam u Alžiru i nisam se pokajao. Tamo je zlom, kaosom i krvoprolieem pokranut jedan loš period. Ali, vjerujem da bi sve moglo biti gore u slučaju da se dozvolilo da oni dođu na vlast."

Turski premijer Erdogan jučer je rekao i da "Zapad treba odrediti jedinstvenu definiciju demokratije, da je nauči i pridržava se, jer svaki sukob na tom polju svijet vodi u posve drugom smjeru".